

# Paschiun per gieus da pazienza

**MARTINA – SPER SIA LAVUR SCO CON-  
STRUCTUR D'ORGELS SVILUPPA ROLAND  
KOCH ADINA PUSPÈ GIEUS DA PAZIENZA.**

Ils gieus da pazienza interessavan a Roland Koch gia durant il temp da la scola media: «Forsa er in zic cauca mia paschiun per la matematica e geometria pruvav jau savens da metter ensemen differentas furmas fin ch'i deva landeror ina figura sco per exempel ina crusch u in cubus.» Suenter la matura ha fatg Roland Koch l'emprendissadi da constructur d'orgels. El ha lavorà en Engalterra centrala e Scozia. Sper la lavur dal mintgadi ha'l cuntinuà dentant a crear gieus da pazienza. Da primavaira 2001 ha'l fundà a Dunbar en Scozia la firma KNOX

Wooden Toys, Puzzles & Games. L'onn suenter èn returnads Roland Koch e sia dunna en Svizra per abitar a Martina. El ha tschertgà lavur sco constructur d'orgel en Svizra ed en il Tiro: «Causa ch'il sector da construcziun d'orgel è mo pitschen survegn jau adina puspè lavur, surtut en Italia.» Er cun ses gieus da pazienza ha'l già success: Dacurt ha pudì vender Roland Koch a la Chasa editura RBA a Barcelona la lizenza per in da ses gieus. Quella chasa editura integrescha ses giu en ina seria ch'ella fa da gieus da pazienza da tut il mund. *anr/fa*



FOTO: F. ANDRY

*Roland Koch mussa ses giu, dal qual el ha pudì vender la lizenza a Barcelona.*